




07801

欽定續通典卷一百四十八

邊防

邊防南序略



臣等謹按杜氏邊防典南方凡五十六部諸蠻獠之散居溪峒者於楚蜀嶺粵滇黔諸境為多唐宋各有土州以示羈縻元明增置土官土吏使自統攝而叛服不常誅賞互用往往勞師動眾若南詔蠻在唐宋時自成一國宋時若儂氏之亂明時若大藤峽田州之役皆蔓延經年久而後定則以控馭之道未盡善也至於海南諸國稱名互異如赤土之後為暹羅林邑之後為環王又為占城頓遜之後為滿刺加訶陵之後為閩婆又為瓜哇千陀利之後為三佛齊又為舊港檳榔之後為柯枝狼牙修之後為錫蘭山名雖殊而實則同又當按時代為臚列者矣他若馬八兒諸國之始通於元彭亨柔佛諸國之始通於明並據其風土敘次於篇

正南

盤瓠種

欽定續通典

卷一百四十八

一

盤瓠種自三國後種落皆布在諸郡隋置辰州以處蠻唐置溪州錦州敘州巫州皆是也唐季蠻酋分據其地自署刺史晉高祖天福中馬希範襲父業有湖南溪州刺史彭自然等以溪錦等州歸馬氏立銅柱爲界宋太祖建隆四年慕容延釗平湖湘知溪州彭允林及刺史田洪贊等列狀歸順詔復其官太宗太平興國八年溪錦敘巫四州蠻相率詣辰州願比內郡民輸租賦詔不許自後首領入貢不絕真宗咸平中施州蠻與溪州蠻歲輸粟易鹽邊粟有三年之積神宗熙寧初峽州洞

欽定續通典

卷一百四十八

二

曾刻剝無度蠻衆願內附屬辰州遂以章惇察訪湖北經制蠻事於是南江舒氏北江彭氏等蠻相繼納土元初置沿溪洞招討使司

西原蠻

西原蠻居廣容之南邕桂之西有甯氏者相承爲豪又有黃氏居黃橙洞其地西接南詔唐元宗天寶初黃氏強與韋氏周氏儂氏相脣齒爲寇據十餘州韋氏周氏恥不肯附黃氏攻之逐於海濱肅宗至德初首領黃乾曜等與諸洞蠻叛乾元初討平之俄復叛文宗太和

討平峒穴其後儂泐最強結南詔爲助宋時儂氏世爲廣源州首領及智高僭號始命狄青平之

南詔

南詔本烏蠻別種姓蒙氏蠻謂王爲詔其先渠帥有六自號六詔曰蒙雋詔越析詔浪穹詔盞駖詔施浪詔蒙舍詔兵力相埒各自雄長蒙舍詔在諸部南故稱南詔唐元宗開元初皮邏閣立二十六年詔封越國公賜名歸義時五詔微歸義獨強乃厚以利啖劍南節度使王昱求合六詔爲一制可又以破洱蠻功冊爲雲南王歸

欽定續通典

卷二百四十八

三

義死閣羅鳳立襲王後與雲南太守張虔陀隙舉兵反代宗大曆十四年其孫異牟尋立於德宗貞元中復內附唐末蒙氏後絕東川節度使楊于貞據之晉高宗天福二年段思平逐楊氏而有其國改號大理宋神宗熙寧九年遣使貢金裝碧玕山氈劔刀劍等物後不常來徽宗政和五年復通貢元滅之而有其地設大理府明時始比於中州列郡

文面濮

赤口濮

黑棘濮

三濮在雲南徼外千五百餘里唐高宗龍朔初遣使朝

驃國在雲南徼外其王自號突羅朱青髯為圓城有十二門四隅作浮圖俗奉佛法以金銀為錢形如半月號登伽佗無膏油以蠟雜香代炷唐德宗貞元中其王雍羌聞南詔歸附遣使獻歌曲因遣弟舒難陀詣劔南西川節度使韋臬獻其國樂臬譜次其聲進諸朝詔授舒難陀太僕卿

緬

欽定續通典

卷二百四十八

四

緬國古朱波地在雲南西南徼外其人有城郭屋廬以居有象馬以乘舟筏以濟文字進上者用金葉寫之次用紙有大城五宋寧宗時緬甸進白象元世祖至元十九年擊緬克其江頭城及太公城成宗大德元年封的立普哇拿阿迪提牙為王賜之銀印子信合八的為世子賜以虎符後卽其蒲甘城置邦牙等處宣慰使司明太祖洪武二十七年置緬中宣慰使司成祖永樂元年置緬甸宣慰使司於是緬有二宣慰使宣宗宣德二年以莽得刺為宣慰使而緬中宣慰之名不復見世宗嘉

靖初孟養酋思倫擊破緬殺宜慰莽紀歲分據其地緬
訴於朝不報莽紀歲子瑞體攻孟養及迤西諸蠻并欲
入寇既覘知有備又慮他蠻襲其後乃遁歸俄瑞體死
子應裏嗣神宗萬曆十一年寇順寧游擊劉綰等擊破
之二十二年巡撫陳用賓設八關戍守自此不犯邊界

滇南

安南莫由派美真谷其附設疑於末帝與借疑

安南古交趾也在中國西南與雲南徼外接界倚富良
江爲天險江水自緬甸滇南兩道流入漢置九郡交趾
居其一焉土膏腴氣候熱穀歲二稔人性獷悍唐分嶺

欽定續通典

卷二百四十八

五

南爲東西二道安南隸之高祖武德中號交州總管府

調露

元和郡縣志作永徽

元年改安南都護府隸嶺南道肅宗至

德二載曰鎮南都護府代宗大曆中復爲安南梁末帝

貞明中土豪曲承美專有其地送欵於末帝授節鉞時

劉隱擅命嶺表并有之後部內大亂宋初丁部領繼其

父公著安撫境內上表貢方物封爲交趾郡王屢遣使

來貢其子丁璉繼之璉卒其臣黎桓幽璉之幼弟璿自

統其衆遣使來修職貢真宗御極封桓南平王三傳爲

大校李公蘊所篡遣使奉貢用桓故事封之子孫世襲

受封修貢入傳至吳昷無子其婿陳日斐遂有其國理宗淳祐二年詔授安南國王元世祖兵抵安南入其國日斐竄海島師旋乃還國傳子光昷納欵中統二年封爲安南國王其後叛服不常仁宗延祐以後始疆場寧謐貢獻不絕明太祖洪武初陳日燿遣使來朝貢方物封賜有加二十一年帝以其煩煩且貢物侈命仍三年一貢建文帝建文元年其國相黎季犛篡立遂盡殺陳氏宗族成祖永樂時命征夷將軍張輔等大破之訪求陳氏子孫耆老千餘詣軍門言陳氏已滅無可繼者安欽定續通典

卷一百四十八

六

南本中國地乞仍入職方同內郡詔改安南爲交趾設郡縣後黎利等復叛宣宗宣德二年遣使撫諭并盡撤軍民北還六年命黎利權署安南國事英宗正統元年封黎利子麟爲安南國王世宗嘉靖十八年安南莫登庸令其黨僞爲黎廣禪詔篡其位逮後莫氏漸衰黎氏復興互相構兵終明世兩姓分據不能歸於一

南掌

南掌古越裳地居安南暹羅之間明成祖永樂初酋長刁線反始入貢方物其俗佩雕瓜爲節故呼爲撾家性

獷悍身及眉目皆刺花相傳酋長三等大曰招木弄次曰招木牛又次曰招木花產犀牛海貝象及木香訶子乳香

暹羅

卽杜典赤土

暹羅本扶南之別種後分爲暹與羅斛二國暹土瘠不宜稼羅斛地平衍種多穫暹仰給焉元成宗元貞元年暹國進金字表欲朝廷遣使至其國比其表至已先遣使蓋彼未之知也賜來使素金符佩之追前詔使同往其後羅斛強併有暹地遂稱暹羅斛國明太祖洪武四

欽定續通典

卷二百四十八

七

年其王參烈昭毘牙遣使奉表來貢十年賜之印文曰暹羅國王之印自是其國遵朝命始稱暹羅比年一貢或一年兩貢至英宗正統後或數年一貢其國崇信釋教氣候不正或寒或熱地卑濕人皆樓居男女椎結貢有象象牙孔雀六足龜寶石珊瑚檀速諸香胡椒豆蔻之類

彭亨

彭亨在暹羅之西氣候常溫米粟饒足煮海爲鹽釀椰漿爲酒上下親狎無寇賊俗尙巫覡明太祖洪武十一

年彭亨王麻哈刺惹答饒遣使貢表來朝成祖永樂九年其王巴刺密瑣刺達羅息泥復遣使至十年十四年兩遣鄭和報之所貢有象牙片腦乳香蘇木胡椒之屬

丹眉流

丹眉流在廣州西南俗皆板屋跣足衣布以白紵纏首其王所居廣袤五里無城郭出則乘象車亦有小駟四時炎熱無霜雪土產犀象紫草蘇木諸藥宋真宗咸平四年國王多須機遣使打吉馬等九人來貢召見崇德殿賜以冠帶服物及還又賜多須機詔書以敦獎之

欽定續通典

卷二百四十八

八

占城

卽杜典林邑

占城在中國之南東至海西至雲南南至真臘其國有百餘村村落戶三五百或至七百亦有縣鎮之名四時皆似夏草木常青民以漁爲業不解朔望但以月生爲初月晦爲盡不置閏分晝夜爲十更非日不起非夜分不臥見月則飲酒舞歌爲樂唐時或稱占婆其王所居曰占城高宗永徽至元宗天寶凡三人貢肅宗至德後更號環王迄周宋遂以占城爲號宋太祖建隆二年其

王遣使來朝表章書於貝多葉以香木函盛之後屢貢

方物孝宗淳熙四年占城王以舟師襲真臘國都寧宗
慶元以後真臘大舉破占城立真臘人爲王占城遂爲
真臘屬國矣元世祖至元十六年遣使諭占城十七年
占城國王遣使奉表貢方物十九年卽其地立省以安
撫之旣而占城王子專國負固弗服萬戶何子志等被
執遣兵征之卒不能定明太祖洪武時其王遣使來朝
尋命使齎詔封爲占城國王又遣使往祭其山川頒科
舉詔於其國後占城與安南國屢構兵中朝遣使諭解
之世宗嘉靖二十二年貢使訴安南侵擾道阻難歸乞
欽定續通典

卷一百四十八

九

遣官護送還國從之

賓童龍

賓童龍與占城接壤或言如來入舍衛國乞食卽其地
氣候草木人物風土類占城

滿刺加

卽杜典
頓遜

滿刺加在占城南有山出泉流爲溪土人淘沙取錫煎
成塊曰斗錫氣候朝熱暮寒男女椎結身體黝黑間有
白者則異種也俗淳厚市道頗平明成祖永樂元年遣
中官尹慶使滿刺加宣示威德及招徠意其酋大喜遣

使至京因封爲滿刺加國王後率其妻子陪臣相繼來朝宴資極厚武宗正德末佛郎機奪其地改名麻六甲其所貢物有瑪瑙珊瑚犀角象牙薔薇露蘇合油沈速香阿魏之屬

阿魯

阿魯亦名亞魯近滿刺加順風三日夜可至田瘠少收盛藝甘蔗椰子爲食明成祖永樂九年阿魯王遣使來朝十七年其王子復遣使來朝十九年二十一年再入

貢

欽定續通典

卷一百四十八

十

瓜哇

卽杜典訶陵

瓜哇卽古闍婆國亦號訶陵近占城行二十晝夜可至爲東南諸番之衝水有八節澗乃瓜哇咽喉其建國始於漢宣帝元康元年地廣人稠性兇悍男女無少長皆佩刀稍忤輒相賊其甲兵爲諸番之最字類瑣里氣候常似夏稻歲二稔唐太宗貞觀中遣使入貢太宗以璽詔優答高宗上元間國人推女子爲王號悉莫威令整肅道不拾遺代宗大厯中訶陵使者三至憲宗元和文宗太和懿宗咸通時皆來朝貢宋太宗淳化三年闍婆

國王遣使來朝徽宗大觀中復貢元時改名瓜哇世祖
至元二十九年詔出師征瓜哇值瓜哇方與鄰國葛郎
構難卽納降於元誘元兵共攻破葛郎復反攻元兵元
兵失傷甚衆明太祖洪武二年遣使以卽位詔諭瓜哇
三年又以平定沙漠頒詔於其國其王遣使奉金葉表
來朝自是率每歲一至其國自元末分東西二王成祖
永樂四年東王爲西王所滅宣宗宣德七年入貢者乃
西王也其國有新村最饒富中華及諸番商船輻輳其
地寶貨填溢永樂時其村主自遣使表貢方物

欽定續通典

卷二百四十八

十一

重迎羅

重迎羅瓜哇鄰國也高山奇秀內有一石洞前後三門
可容萬人田穀氣候與瓜哇畧同國無酋長推年長者
主之

日羅夏治 碟里

日羅夏治與碟里俱近瓜哇俗尚釋教明成祖永樂三
年各遣使附瓜哇使臣入貢碟里俗淳物產甚薄日羅
夏治止產蘇木胡椒

丁機宜

丁機宜瓜哇屬國也幅員甚狹僅千餘家時被柔佛侵擾後以厚幣求婚稍獲寧處其國以木爲城首所居旁列鍾鼓樓出入乘象以十月爲歲首民俗類瓜哇物產悉如柔佛酒禁甚嚴有常稅大家皆不飲惟細民無籍者飲之其曹偶咸非笑焉

木爲蘇吉丹

蘇吉丹亦瓜哇屬國後訛爲思吉港國在山中止數聚落其水涵舟不可泊有地名饒洞者形勢平衍商船皆就此貿易

欽定續通典

卷一百四十八

三

柔佛

柔佛一名烏木礁林近丁機宜明神宗萬厯間其酋好構兵鄰國丁機宜與彭亨屢被其患國中覆茅爲屋列木爲城環以池無事則通商於外有事則召募爲兵地不產穀常易米於鄰壤俗好持齋見星方食節序以四月爲歲首喪用火葬所產有犀象玳瑁片腦沒藥錫蠟之屬

真臘

真臘在占城南其縣鎮風俗同占城一歲數稔以十月

爲歲首閏悉用九月俗尚釋教民俗饒富男女椎結唐
神龍後分爲二北多山阜者號陸真臘南饒陂澤者號
水真臘水真臘地八百里王居婆羅提拔城陸真臘或
曰文單曰婆鏤地七百里元宗開元天寶時王子率屬
來朝拜果毅都尉代宗大厯中副王及妻來朝獻象憲
宗元和中水真臘亦遣使入貢後復合爲一宋徽宗政
和六年遣使鳩摩僧歌等來貢賜以朝服僧歌請服所
賜詔從之仍以其事付史館寧宗慶元中滅占城而併
其地更立真臘人爲之王明太祖洪武三年遣使齋詔

欽定續通典

卷二百四十八

七

撫諭真臘四年其國遣使奉表朝貢成祖永樂中數被
占城侵擾帝敕占城王罷兵修好景帝景泰後其使不
常至
投和
貞觀中遣使以黃金函奉表并獻方物

婆利

婆利在占城東南地有大洲多馬產火珠大者如鷄卵
圓光照數尺日中以艾藉珠輒火出其國法殺人及盜

截其手姦者鎖其足期年而止祭祀必以月晦盤貯酒
穀淨之流水每十一日必設太祭

三佛齊 卽杜典
于陀利

三佛齊與占城爲鄰居真臘閩婆之間所管有十五州
氣候多熱少寒土產紅籐紫礦沈香檳榔椰子之屬無
麥有米豆鵝鴨鷄魚頗類中土城周數十里椰葉覆屋
不輸租賦其王號詹卑其國居人多蒲姓庶民皆水居
編筏築室係之於樁欲徙則拔樁去之唐昭宗天祐元
年貢方物授其使都番長蒲訶嚶爲寧遠將軍宋太祖

欽定續通典

卷一百四十八

酉

建隆元年其王遣使來朝自是迄高宗紹興孝宗淳熙
間恒通貢明太祖洪武三年遣使詔諭三佛齊其王遣
使奉金葉表隨入貢八年嗣子表貢請命敕封爲王三
十年瓜哇據其國改名舊港亦不能盡有其地華人往
往寓焉其地爲諸番要會俗習水戰鄰國多畏之

蘇祿

蘇祿近勃泥閩婆明太祖洪武初發兵侵勃泥大獲其
人畜以闍婆援兵至乃還其國分東王西王峒王而以
東王爲尊成祖永樂十五年三王子來朝進金縷表文

獻珍珠寶石等物因並封爲國王賜印誥襲衣冠帶及鞍馬儀仗器物居二十七日三王辭歸其東王次德州卒於館帝遣官賜祭命有司營葬勒碑墓道諡曰恭定乃遣使齋敕封其長子爲蘇祿國王十八年東王之母遣使來朝貢大珠神宗萬曆時佛郎機屢攻之城據山險不能下其地少粟麥民率食魚蝦螺蛤短髮纏皂縵煮海爲鹽釀蔗爲酒氣候常暑產竹布玳瑁諸物

勃泥

勃泥本閩婆屬國也所管有十四州以板爲城城中居

欽定續通典

卷一百四十八

五

者萬餘人其王所居屋覆以貝多葉民舍覆以草在王左右者爲大人俗以十二月七日爲歲節地熱多風雨無麥有麻稻及魚羊無蠶絲用吉貝花織成布宋太宗太平興國二年遣使進表貢方物神宗元豐五年復遣使入貢明太祖洪武四年遣使奉金銀箋來朝成祖永樂三年詔封勃泥國王賜印符誥命六年王率妃及子弟妹陪臣凡百五十餘人來朝貢珍物賜宴奉天門乞封其國之後山爲一方鎮御製碑文賜之九年嗣王復偕其母來朝至仁宗洪熙元年四入貢嗣後貢使雖稀

商人來往不絕

層檀

層檀在海南宋神宗熙寧七年始入貢海道便風行百六十日經勿巡古林三佛齊國乃至廣州人語音如大食元豐六年使者再至神宗念其絕遠賜賚有加

巴喇西

巴喇西在南海去中國絕遠明武宗正德六年遣使臣來朝進金葉表貢祖母綠珊瑚樹等物嘉其遠來賜賚有加

欽定續通典

卷一百四十八

六

瞻博

瞻博或曰瞻婆北距兢伽河多野象唐高宗顯慶中與婆岸干支弗舍跋若磨臘四國並遣使入貢

修羅分

修羅分地近真臘有君長以木爲城有勝兵二萬其風俗與歌羅舍分甘畢相類甘畢在南海上王名旃陀越摩歌羅舍分在南海南唐時皆入貢方物

室利佛逝

室利佛逝一曰尸利佛誓過軍徒弄山二千里至其國

有城十二地產金汞砂龍腦唐高宗咸亨文宗開成間
數遣使來朝

名茂

名茂所屬有州三十以十二月為歲首賦二十取一唐

高宗龍朔初遣使來貢

單單

單單與名茂相近亦有州縣其王近行車遠乘象唐高

宗乾封總章時來獻方物

注輦

欽定續通典

卷二百四十八

七

注輦去中國最遠自古未嘗相通宋真宗大中祥符八

年國王羅茶羅乍遣使奉表來貢真宗天禧仁宗明道

神宗熙寧時皆遣使奉方物入貢其國城有七重所統

有三十部落產真珠象牙珊瑚檳榔豆蔻之屬地宜

竹饒花果穀有麥稻及黑綠豆

馬八兒諸國

馬八兒與俱藍國接壤比餘國最大元世祖至元間璽

書招諭諸番占城與馬八兒俱奉表稱藩而俱藍諸國

未下尋遣廣東招討使楊廷璧招降俱藍國王王即遣

使入貢俱藍旣下節國曰須門那曰僧急里曰南無力
曰馬蘭丹曰那那曰丁呵兒曰來來曰急蘭亦解皆遣
使入貢方物

西南

渝州蠻 即杜典板板
蠻南平蠻

渝州蠻其地西南接烏蠻昆明哥蠻大小部族數十居
之宋英宗治平中熟夷李光吉梁秀等據其地各有眾
數千以威勢脅誘漢戶神宗熙寧三年進兵討平之以
賓化砦為隆化縣隸涪州建榮懿扶歡兩砦其外居銅

欽定續通典

卷一百四十八

六

佛壩者隸渝州南川縣地皆膏腴自光吉等平他部族
據有之因命其土人王才進充巡檢委之控扼才進死
部族無所統數出寇邊詔熊本討平之建為南平軍以
渝州南川涪州隆化隸焉

兩蠻

兩蠻蠻自曲州靖州西南至龍和城者謂之西蠻白蠻
自彌鹿升麻二川南至步頭者謂之東蠻烏蠻西蠻所
產多駿馬犀象唐太宗貞觀時開青蛉弄棟為縣東蠻
居安寧城首領蓋聘為西蠻歸王所襲殺部落各分散

東謝

東謝蠻在西巖之南其南距守宮獠西連夷子地宜五穀衆處山汲流以飲無賦稅見貴人則執鞭而拜賞有功者以牛馬銅鼓犯小罪則杖大罪殺之盜物者倍償婚姻以牛酒爲聘會聚擊銅鼓吹角坐必蹲踞唐太宗貞觀時酋長謝元深入朝中書侍郎顏師古奏言昔周武王時遠國入款周史書其事爲王會篇今萬國來朝其冠服實可圖寫請撰爲王會圖從之以其地爲應州卽拜元深爲刺史又有南謝首領謝疆來朝以其地爲欽定續通典

卷一百四十八

九

莊州授疆爲刺史

牂柯

牂柯國在昆明東九百里無城郭土鬱熱多霖雨稻粟再熟無徭役刻木爲契風俗物產與東謝同唐文宗開成元年其酋阿佩內屬武宗會昌中封其別帥爲羅殿王世襲爵其後又封爲滇王皆牂柯蠻也宋真宗景德元年詔西南牂柯諸國進奉使親至朝廷者令廣南西路發兵援之勿抑其意先是龍光進等來朝上矜其遠道人馬多斃因詔宜州自今可就賜恩物至是懇請詣

關從之

充州

充州蠻卽牂牁別部唐元宗天寶中以充州酋長趙珍
裔爲黔州都督屢敗南詔閣羅鳳護五溪十餘年部落
以安德宗貞元憲宗元和以訖文宗開成朝貢不絕

夜郎

夜郎國唐置羈縻諸州費珍莊玟播郎夷牂州皆是也
宋太宗太平興國五年其酋長龍瓊瑠遣其子並諸州
蠻以方物名馬來貢乃令作本國歌舞一人吹瓢笙數
十輩連袂宛轉而舞以足頓地爲節其曲名曰水曲部
族數十獨龍氏方氏張氏石氏羅氏五姓最著號五姓
蠻其後又有程氏韋氏皆比附五姓故號西南七蕃云

昆彌

昆彌國亦稱昆明其土畝濕宜秔稻俗逐水草畜牧夏
處高山冬入深谷唐高宗咸亨三年其十四姓率戶二
萬內附析其地爲殷州總州敦州以安輯之殷州居戎
州西北總州居西南敦州居南遠不過五百餘里近三
百里其後又置盤麻等四十一州皆以首領爲刺史

欽定續通典

卷一百四十八

三

松外諸蠻

松外諸蠻部族不一唐太宗貞觀中嵩州都督劉伯英
疏言松外諸蠻率暫附亟叛請擊之西洱河天竺道可
通也居數歲太宗以將軍梁建方發蜀十二州兵進討
酋帥雙舍拒戰敗走殺獲甚衆諸蠻震駭走保山谷建
方諭降者七十餘部戶十萬九千署首領蒙和爲縣令
餘衆感悅西洱河蠻亦納款軍門

吐蕃

吐蕃本西羌屬或曰南涼禿髮利鹿孤之後國多霆電

欽定續通典

卷一百四十八

三

風雹盛夏如中國春時山谷常冰地有寒癘聯毳帳以
居手捧酒漿以飲稼有麥豆獸多牛馬犬羊天鼠之皮
可爲裘無文字俗重鬼喜淨屠法逐水草無常所其鎧
胄精良唐太宗貞觀八年始遣使來朝後請婚許之漸
習華風遣子弟入國學習詩書肅宗至德後因安史之
亂攻陷河西隴右之地代宗永泰大厯間再遣使來聘
宣宗大中三年吐蕃恐熱爲亂唐節度使康季榮等次
第收復原秦安樂等三州地及石門等七關唐末其國
漸衰弱種類分散無復統一宋太祖建隆二年靈武五

部以駝馬來貢真宗大中祥符八年嘉勒斯賚遣使來
貢請討西夏以自效仁宗寶元元年詔使擊西夏嘉勒
斯賚死地遂分惟棟戩最强獨有河北之地遣使奉貢
常與官軍會擊西夏自後嗣者俱授官爵貢奉不絕神
宗熙寧哲宗元符徽宗崇寧間三用師於其國遂建熙
河一道置郡縣遼聖宗統和中來貢元世祖中統時郡
縣其地設官分職以吐蕃僧帕克斯巴爲大寶法王帝
師領之嗣者數世明太祖洪武六年大將軍徐達征西
番旣拔河州於是河州以西朶甘烏斯藏等部悉歸令
欽定續通典

卷一百四十八

三

故有官者皆至京授職

朶甘

朶甘在四川徼外唐吐蕃地南與烏斯藏鄰元置宣慰
招討等官分統其衆明太祖洪武初遣使招撫遂來朝
宴賚遣還繼改爲行都指揮使司並賜銀印復增置招
討司千戶等官自是修貢惟謹英宗正統初諸番相率
朝貢者八百二十九寨悉賜賚遣歸

長河西魚通寧遠

長河西魚通寧遠在四川徼外通烏斯藏唐爲吐蕃元

置安撫司明太祖洪武時長河西土官遣使來貢方物
宴賚遣還置長河西魚通寧遠宣慰司以其酋爲宣慰
使自是修貢不絕

董卜韓胡

董卜韓胡在四川威州之西明成祖永樂九年酋長南
葛遣使奉表入朝貢方物置宣慰司景帝景泰三年進
秩都指揮使其鄰雜谷三年一貢惟董卜許比年一貢
所隸別思寨及加渴死寺俱通貢

烏斯藏大寶法王

欽定續通典

卷二百四十八

三

烏斯藏在四川西徼外其地多僧無城郭佛書甚多元
世祖時尊帕克斯巴爲大寶法王錫玉印累入朝貢其
徒嗣者咸稱國師明太祖洪武初遣使招諭烏斯藏攝
帝師遣使朝貢六年自入朝七年遣使來朝請封號賜
以玉印成祖永樂元年遣使往徵其僧哈里瑪入朝封
爲大寶法王六年辭歸自是頻年入貢孝宗宏治武宗
正德間或一年兩貢神宗萬厯年間有自稱活佛者求
通貢許之此僧有異術卽大寶法王及闡化諸王皆奉

之諸番王徒擁虛位而已

大乘法王今三年一貢其後貢奉不替

大乘法王亦烏斯藏僧明成祖永樂十年來朝受封仁宗洪熙宣宗宣德間並來貢憲宗成化四年其王旺布遣使來貢孝宗宏治元年其王桑節翰遣使來貢武宗正德十年請襲封世宗嘉靖十五年偕輔教諸王來貢嗣後奉貢不絕

闡化王大慈法王

大慈法王亦烏斯藏僧明成祖永樂十二年入朝禮亞

大乘法王賜之印誥嗣後時來朝貢宣宗宣德九年入

欽定續通典

卷一百四十八

貢

朝封大慈法王

闡化王

闡化王亦烏斯藏僧明太祖洪武五年封僧嘉木楊沙克嘉爲灌頂國師以撫諭朶甘諸部明年其僧遣酋奉表入貢自是三年一貢成祖永樂四年封爲闡化王十一年命楊三保復使其地令與贊善護教闡教三王共修驛站自是道路畢通其後入貢益頻特遣賜之綵幣世宗嘉靖三年偕輔教王及大小三十六番請入貢穆

宗隆慶三年定令三年一貢其後貢奉不替

贊善王

贊善王者靈藏僧也其地在四川徼外視烏斯藏稍近明成祖永樂四年其僧珠卜巴勒遣使入貢命爲灌頂國師明年封贊善王自永樂迄英宗正統貢無定期憲宗成化元年始定三歲一貢之例嗣是屢請封襲世宗嘉靖後猶入貢如制

護教王

護教王者納木喀巴勒藏布袞確克僧也明成祖永樂四年遣使入貢授灌頂國師明年封護教王賜印誥遂

欽定續通典

卷二百四十八

壹

頻歲入貢仁宗洪熙宣宗宣德中并入貢後無嗣爵遂絕

闡教王

闡教王者巴勒恭噶僧也明成祖永樂元年其國師端珠卜入貢四年又貢十一年加號大國師又封其僧琳沁巴勒濟特爲闡教王賜印誥綵幣後比年一貢迄世宗嘉靖時修貢不輟

輔教王

輔教王者斯達克藏僧也心遠於烏斯藏明成祖永樂

十一年封其僧納木喀塔克巴爲輔教王通貢使賜予
與諸法王等孝宗宏治十二年輔教等四王及長河西
宜慰司並附入貢嗣後奉貢不絕

西天阿難功德國

西天阿難功德國西方番國也明太祖洪武七年王卜

哈魯遣其講主來朝貢方物賜文綺及布帛諸物後不

復至又和林國師多爾濟辰敷錫喇卜藏布亦遣其講

主獻銅佛舍利及元所授玉印圖書等命宴賚遣還明

年國師入貢和林非西番其國師則番僧與功德國同

欽定續通典

卷二百四十八

五

時來貢後亦不復至

尼八刺國地湧塔國

尼八刺國在諸藏之西其王皆僧也明太祖洪武十七

年命僧智光往其國并使其鄰境地湧塔國王馬塔納

羅摩遣使入朝貢金塔等方物賜以詔敕綵幣二十三

年再貢成祖永樂七年遣使來貢以銀幣賜其嗣王沙

葛新的及地湧塔王可般明年來貢封爲尼八刺國王

賜印十六年來貢命使往報之所經罕諸靈藏巴勒恭

噶烏斯藏及野藍卜納皆有賜宣宗宣德二年又遣使

賜其王與地湧塔王自後貢使不復至又有速觀嵩者亦西方之國永樂三年遣使往招以道遠不至

麻葉甕

麻葉甕在西南海中自占城靈山放舟順風十晝夜至交欄山其西南卽麻葉甕山峻地平田膏腴收穫倍他國煮海爲鹽釀蔗爲酒男女椎結衣長衫圍之以布俗尚節義婦喪夫務面剃髮終身不改嫁產玳瑁木綿黃蠟檳榔花布之屬又有葛布及速兒米囊二國明成祖永樂三年遣使齎書賜物招諭與麻葉甕俱未朝貢

欽定續通典

卷一百四十八

七

吐洹

陀洹一曰特比洹在占城西南海中自交州行九十日乃至王姓察失利名婁那國無蠶桑有稻麥麻豆畜有白象牛羊豬俗喜樓居謂爲干欄以白氈製成布爲衣

南毗

南毗國在大海之西南自三佛齊便風月餘可至國多風王出先期遣兵百餘人持水灑地以防颶風播揚精飲食鼎以百計日一易之俗喜戰鬪習刀矛善射擊白銀爲錢土產真珠諸色番布其國最遠番船罕到

蘇門答刺

蘇門答刺在滿刺加之西或言卽漢條枝唐波斯大食
二國地與花面國相接俗頗淳地瘠無麥有禾一歲二
稔所產瑪瑙水晶沈速香胡椒蘇木之屬四方商賈輻
輳其氣候朝如夏暮如秋夏有瘴氣明太祖洪武中國
王遣使奉金葉表入貢成祖永樂中其王與花面王戰
中矢死子弱不能復仇其妻號於眾曰能復此仇者我
以爲夫共國事有漁翁聞之率眾殺花面王其妻遂從
之稱爲老王旣而王子年長率部眾殺老王而自立老

欽定續通典

卷一百四十八

三

王弟蘇幹刺逃山中連年率眾侵擾王子遣使來訴命
中官鄭和率兵往捕蘇幹刺歸獻闕下國乃寧王子感
恩貢方物自後朝貢不絕按明洪武十六年有須文達
那國王殊旦麻勒兀達盼遣
使來朝貢馬布兜羅絲等物及薔薇水沈速諸香賜王
大統厯錡鈔及使臣襲衣或言須文達那卽蘇門答刺
明洪武時所更然亦無確據
今從明史之例附見於此

覽那

覽那在西南海中明太祖洪武九年其王遣使奉表來
貢永樂宣德中嘗附鄰國朝貢其地多沙礫麻麥之外

無他種山無峰巒水亦淺濁俗好佛勤祭祀

澹巴

澹巴在西南海中明太祖洪武十年其王遣使上表貢
方物其國石城瓦屋土衍水清草木暢茂畜產甚夥男
女勤耕織市有貿易野無寇盜稱樂土焉

百花

百花在西南海中明太祖洪武十一年其王遣使奉金
葉表貢方物其國中氣候恒燠無霜雪多奇花異卉民
富饒尚釋教

那孤兒

欽定續通典

卷二百四十八

羌

那孤兒在蘇門答刺之西壤相接地狹止千餘家男子
皆以墨刺面爲花獸形故又名花面國俗淳田足稻禾
自耕而食無寇盜明永樂中鄭和使其國其酋長常入
貢方物

黎伐

黎伐在那孤兒之西西接南渤利南大山大海隸蘇
門答刺聲音風俗與之同明成祖永樂中常隨使臣入

貢

南渤利

南渤利與蘇門答刺相近明成祖永樂十年附其使臣
入貢俗樸實地少穀多魚蝦其西北海中有山甚高大
名帽山西來洋船俱望此山爲準宣宗宣德五年使鄭
和遍賜諸國南渤利與焉

柯枝

柯枝或言卽古槃槃國與狼牙修接唐太宗貞觀中槃
槃再遣使貢方物高宗永徽中獻五色鸚鵡後不復聞
明成祖永樂元年遣使賫詔撫諭其國九年柯枝王可
亦里遣使入貢請賜印誥封其國中之山十年遣鄭和
欽定續通典

卷一百四十八

三

小葛蘭 大葛蘭

小葛蘭與柯枝接小國也明成祖永樂五年遣使附蘇
門答刺入貢俗淳土薄收穫少仰給榜葛刺奉釋教婚
喪諸禮多與錫蘭山同又有大葛蘭者風俗物產多類
小葛蘭

錫蘭山

錫蘭山或言卽古狼牙修明成祖永樂六年鄭和使西

洋過其地王發兵劫和塞歸路和攻拔其城生擒王及
妻子頭目獻俘於朝釋之命擇其族之賢者詔封爲王
遂屢入貢宣宗宣德英宗正統天順年間數遣使來貢

欽定續通典

卷一百四十八

三

欽定續通典卷一百四十八

欽定續通典卷一百四十九

邊防

邊防西序畧

臣等謹案杜氏邊防典西方凡七十五國惟于闐

龜茲高昌回鶻諸國各見於宋史至明代于闐尚
各自爲國其餘若樓蘭且末姑墨溫宿諸國自漢

以後卽無聞焉蓋絕域之外互相兼并若唐之突

厥宋之吐蕃明之衛喇特

舊作瓦剌
今改正

皆曾據有其

地也自

欽定續通典

卷一百四十九

一

聖朝平定西域以來天山南北盡入版圖今第就前史
所載諸國事蹟之有可考者臚具于篇若夫海外
之國路隔重洋自明永樂時遣鄭和等屢以金幣
招徠西洋古里諸國相率踵至其後復有意大里
亞國人利瑪竇等泛海遠來留居中土始有大西
洋之稱今亦依次列載焉

正西

沙州

沙州本漢敦煌郡距玉門陽關不遠後魏始置沙州唐

因之後沒於吐蕃宋入於西夏元爲沙州路明成祖永樂二年酋長肯吉楞

舊作困即來今改正敏珠爾

舊作買住今改正率衆

來歸命置沙州衛授爲指揮使英宗正統中甘肅鎮將任禮收其全部入塞居甘州沙州遂空先是太宗置哈

密沙州赤斤罕東四衛於嘉峪關外屏蔽西陲至是沙州先廢而諸衛亦漸不能自立

赤斤蒙古

赤斤蒙古漢敦煌郡地唐屬瓜州廣德後沒於吐蕃宋時爲西夏所據元時爲瓜州地明成祖永樂二年詔建

欽定續通典

卷一百四十九

二

赤斤蒙古千戶所以塔爾尼

舊作塔力尼今改正

爲千戶賜誥印

尋升衛正德間土魯番犯肅州赤斤當其衝每遭蹂躪乃徙部衆於肅州其城遂空

罕東

罕東在赤斤蒙古南嘉峪關西南漢敦煌郡地明太祖

洪武三十年酋索諾穆濟喇斯

舊作鎖南吉刺思今改正

遣使入貢

詔置罕東衛授指揮僉事成祖永樂後數入貢武宗正

德中土魯番犯肅州遂棄城內徙又其部人安扎

舊作奄章

今改與種類不相能率其衆逃居沙州境部落日繁宣

宗宣德七年命其子爲指揮使憲宗成化中奏請自爲
一衛朝廷從之置爲罕東左衛正德十一年土魯番以
兵脅之不克自立相率內徙

安定

安定本名薩里輝和爾

舊作撒里畏兀兒今改正

東近罕東北邈沙

州南接西番元封宗室布延特穆爾

舊作卜烟帖木兒今改正

爲寧

王鎮之明太祖洪武七年遣使朝貢改封安定王十年

王爲其部沙喇

舊作沙喇今改正

所弑王子巴勒桑實哩

舊作板咱

失里今改正

復讐誅沙喇弄又爲沙喇部將所殺其衆遂衰

欽定續通典

卷一百四十九

三

二十九年復立安定衛授其酋官以安部衆成祖永樂

間安定王孫雅布丹

舊作亦攀丹今改正

來朝自陳家難詔仍令

襲爵武宗正德時蒙古縱掠隣境安定部衆從此殘亡

阿端

阿端在薩里輝和爾之地明太祖洪武八年置衛後爲

多爾濟巴勒

舊作朶兒只把今改正

所破其衛遂廢成祖永樂間

酋長小薛呼爾察

舊作忽魯札今改正

來朝請復置衛卽授爲指

揮僉事洪熙時察遜

舊作曲先今改正

首繼濟斯舊作散卽思今改正脅

阿端指揮蘇爾丹

舊作瑣魯丹今改正

邀劫使蘇爾丹懼而遠

竄宣宗宣德中赦其子珠札干舊作真只罕今改正復率所部還

居本土迄英宗正統朝數入貢後不知所終

察遜

察遜在肅州西南漢西羌唐吐蕃也元設察遜達蘭舊作

答林今元帥府明太祖洪武時酋長入貢命設察遜衛

官其人為指揮武宗正德七年蒙古酋阿爾托蘇舊作阿爾

秃廂今額布勒舊作亦不刺今改正竄居青海察遜為所蹂躪部

族竄徙其衛遂亡

哈瑪爾舊作哈梅里今改正

欽定續通典 卷一百四十九

四

哈瑪爾地近甘肅元諸王烏納實哩舊作兀納失里今改正居之

明太祖洪武十三年濮英請畧地開哈瑪爾之路烏納

實哩懼遣使來朝貢時西域來貢者多為哈瑪爾所遏

命劉真等討之攻破其城烏納實哩率家屬遁去二十

五年遣使貢馬騾請罪納之

哈密

哈密東去嘉峪關千餘里漢伊吾廬地唐為伊州五代

時號胡盧磧宋入於回紇元末以威武王呼納實哩舊作

忽納失里鎮之尋改為肅王明成祖永樂二年改封其

弟恩克特穆爾舊作安克帖木兒今改正爲忠順王尋設哈密備以

其頭目爲指揮千百戶等官英宗正統中其王達斡實

哩舊作倒瓦答失里今改正爲衛喇特酋額森舊作也先今改正所脅服武

宗正德時土魯番奪哈密據之屢入寇世宗嘉靖中依

廷議置哈密不問而其地遂爲土魯番所有迄穆宗隆

慶後猶有入貢者然非忠順王苗裔矣按元史諸王表不載呼納實哩

封王事明成祖實錄載李至剛等議奏恩克特穆爾之

兄呼納實哩初封威武王改封肅王其弟應仍襲王爵

並見西域傳

土魯番

欽定續通典 卷一百四十九 五

土魯番卽古高昌唐太宗貞觀中以其地爲西州元宗

時陷沒乃復爲國其地頗有回鶻居之故亦謂之西州

回鶻宋太祖建隆三年西州回鶻阿多舊作阿都今改正等四

十二人以方物來貢乾德三年西州回鶻遣僧法淵獻

佛牙琉璃器琥珀蓋太宗太平興國六年其王始稱西

州外生師子王阿爾薩蘭舊作阿斯蘭今改正汗遣都督蘇默昆

舊作索麥來貢太宗遣供奉官王延德等使高昌及還

敘其行程具詳宋史元太祖平西域置達嚕噶齊監治

之明初號土魯番成祖永樂十三年吏部員外郎陳誠

使西域土魯番遣使隨入貢以都督都指揮等官仁宗

洪熙元年其酋音濟徹爾舊作尹吉兒復率部落來朝

宣宗宣德三年其子復來朝初其地介諸部間甚微弱

後火州柳城皆為所併國日強西域頗為擾然自成化

迄萬厯朝貢不絕

火州地多山青紅若火故名地宜五穀畜產明成祖永

樂中其酋長遣使朝貢

柳城

欽定續通典

卷一百四十九

六

柳城與火州密邇土宜稼麥豆麻有小葡萄甘而無核

名瑣小葡萄氣候常和男子椎結其語音類輝和爾舊

畏兀兒明成祖永樂中常遣使入貢凡中朝遣使及其

酋長入貢多與火州及土魯番偕後土魯番強柳城及

火州並為所滅

衛喇特

衛喇特蒙古部落也在韃靼之西土魯番之北元亡其

強臣蒙克特穆爾舊作猛可帖據之後其眾分而為三

其渠曰瑪哈穆特舊作馬哈曰太平曰巴圖博囉舊作把禿

字羅今而瑪哈穆特尤雄於部內數與韃靼酋長阿噶

台舊作阿魯相讐則成祖永樂時阿噶台既受封為和

寧王瑪哈穆特等亦內附乃封瑪哈穆特為順寧王太

平為賢義王巴圖博囉為安樂王賜以印誥自是歲一

入貢後衛喇特漸驕擁兵將入犯帝乃親征破其衆於

和拉和實袞舊作忽蘭忽追至圖拉舊作土刺河而還

瑪哈穆特復修貢職其子托歡舊作脫歡嗣封順寧王

於宣宗宣德年間襲殺阿噶台欲自稱汗舊作可汗而

衆不附乃求元後托克托巴哈舊作脫脫不立之自為

欽定續通典 卷一百四十九 七

丞相居漠北凡蒙古諸部俱屬焉托歡死額森嗣稱太

師衆益強托克托巴哈不能制英宗正統時額森脅諸

番大舉入寇明師覆於土木既而額森弑其主自立以

其次子為太師東自烏梁海舊作兀良西至赤斤哈密

皆受約束額森入貢自稱田盛大汗帝詔稱為衛喇特

汗景帝景泰中阿拉舊作阿刺知院攻額森殺之額森

諸子退歸衛喇特不複雜居漠北世宗嘉靖以後為哈

密土魯番所隔其承襲代次無可考

龜茲

龜茲其土宜麻麥秔稻蒲萄出黃金善歌樂喜浮圖法
唐置安西都護府武后時言事者請棄之不許宋自仁
宗天聖至景祐入貢者五最後賜以佛經一藏神宗熙
寧哲宗紹聖間屢遣使入貢其國土自稱師子王或稱
西州龜茲或稱龜茲回鶻

子闡

自唐安史亂後不復通中國晉高祖天福中其王
李聖天遣使來貢高祖遣供奉官張匡鄴持節冊爲大
寶子闡國王宋太祖建隆二年聖天遣使貢圭一以玉

欽定續通典

卷一百四十九

八

爲柙其使言國城東有白玉河西有綠玉河次西有烏
玉河源出崑崙山每歲秋國人取玉於河謂之撈玉後
朝貢屢至遼聖宗統和開泰間俱入貢金時遣瑪拉噶
舊作滿刺薩瑪丹舊作撒木等貢玉璞明成祖永樂間
略今改正屢遣使入貢神宗萬曆時亦間入貢西域諸國蔥嶺以
南撒瑪爾罕舊作撒馬兒最大其北則于闐最大桑麻
禾黍宛然中土行賈諸番能致富庶

吐渾

吐渾本號吐谷渾

案遼史太宗本紀稱來貢者有吐谷渾吐渾五百官志北面屬國官有吐谷

渾國王府吐渾國王府然五代史傳內所稱吐渾白承福事卽遼史吐谷渾事蓋本爲一國故傳首云吐渾本號吐谷渾或曰乞伏乾歸之苗裔唐肅宗至德中爲吐

蕃所攻部族分散其內附者唐處之河西其大姓有慕容拓跋赫連等族懿宗時赫連鐸拜大同軍節度使爲晉王所破後唐莊宗時有白承福者依中山北石門爲柵莊宗爲置寧朔奉化兩府以承福爲都督賜姓名爲李紹魯晉高祖立割雁門以北入於契丹於是吐渾爲契丹役屬苦其苛暴安重榮鎮成德有異志陰遣人招吐渾入塞承福自五臺山入處中國契丹大怒遣使者

欽定續通典

卷一百四十九

九

責誚高祖高祖遣供奉官張澄率兵搜索忻代等州山谷中驅出之然晉亦苦契丹思得吐渾爲緩急之用陰遣劉知遠鎮太原慰撫之後出帝與契丹絕盟拜承福大同軍節度使契丹與晉相拒於河承福以兵從出帝禦之是歲大熱吐渾多疾死乃遣承福歸劉知遠侵之承福謀出塞知遠殺承福及其大姓獲牛馬貲財鉅萬計其餘衆以別部王義宗主之遼太祖天贊三年攻拔其城自天顯至聖宗統和歲通貢興宗重熙時以吐渾

多鬻馬於夏詔沿邊塞防之自後無聞

党項

党項西羌別種或曰卽古析支也地三千餘里有棟宇不耕稼地寒五月草生八月霜降無文字候草木記歲唐太宗貞觀至高宗上元間其國人內附散居西北邊憲宗元和以後頗相率爲盜賊及會昌初武宗置三使以統之在邠寧鄜延者爲一使在鹽夏長澤者爲一使在靈武麟勝者爲一使自後唐同光以後大姓之彊者各自來朝貢宋太祖建隆二年圖默勒舊作析也來朝授爲代州刺史開寶元年首領屈遇率十二部歸順嗣

欽定續通典

卷二百四十九

十

是相率來貢遼太祖神冊元年太祖親征党項等部平之二年党項來貢自後叛服不常

大食

大食自唐元宗開元初遣使來貢其南有都盤等六國天寶六載皆遣使入朝並封爲王宋太祖乾德四年僧行勤游西域因賜王書以招懷之開寶元年遣使來朝貢後屢貢方物遼太祖天贊三年來貢聖宗時遣使進象及方物爲其子察克舊作冊割請婚以王子班郎君

胡思聖女噶老舊作可老爲公主嫁之

拂菻

拂菻或言卽古大秦國也東南與波斯接其俗無瓦擣白石爲末塗屋上其堅密光潤如玉石唐太宗貞觀時遣使獻方物後大食強盛拂菻每歲輸金帛屬之元宗開元時復來朝貢宋神宗元豐四年其王遣大首領來獻鞍馬刀劍真珠哲宗元祐六年其使兩至元末其國人尼古爾舊作匿古倫今改正入市中國及明太祖洪武四年太祖召見命齋詔書還諭其主復命使臣布拉舊作普刺今改正賈書敕綵幣招諭之乃遣使入貢後不復至

欽定續通典

卷一百四十九

十一

波斯

波斯地近拂菻氣常歊熱人知耕種畜牧產珊瑚唐高宗龍朔間以疾陵城爲波斯都督府拜其王爲都督俄爲大食所破其國漸微元宗開元天寶間遣使者十輩獻瑪瑙杯等物遼太祖天贊二年來貢

撒瑪爾罕

撒瑪爾罕或云卽漢罽賓隋爲漕國唐復名罽賓高宗顯慶三年以其地爲修鮮都督府中宗神龍初卽拜其王督諸軍事元宗開元七年遣使獻天文書及秘方奇

藥後其王以年老請以子布琳哲伯舊作拂林爾嗣許

之天寶四載復冊其子本布連舊作勃旬襲王肅宗乾

元初使者入貢元太祖平西域盡以諸王駙馬為之君

長易前代國名以蒙古語遂名爾賓為撒瑪爾罕元末

為之主者駙馬特穆爾舊作帖木兒今改正明洪武中太祖欲通

西域屢遣使招諭而遐方君長未有至者二十年撒瑪

爾罕王特穆爾首遣回回瑪拉噶富寶舊作非思等來

朝貢自是頻歲貢馬駝成祖永樂迄神宗萬厯或比年

或間歲或三年輒入貢皆有賞給其國東西三千餘里

欽定續通典

卷一百四十九

地寬平土壤膏腴王所居城廣十餘里民居稠密西南

諸番之貨皆聚於此號為富饒俗禁酒人物秀美工巧

過於哈喇舊作哈烈今改正而風俗土產多與之同

哈魯

布達實克附 哈魯舊作黑婁 布達實克舊作把丹沙今並改

哈魯近撒瑪爾罕世為婚姻其地山川草木禽獸多黑

明宣宗宣德七年始遣使來朝貢方物景帝景泰四年

偕隣境三十一部來貢馬駝及玉石等物憲宗成化十

九年與沙喇思舊作失刺 思今改正撒瑪爾罕來貢又有布達實

克景泰間嘗入貢至是亦遣使與哈魯偕至

達爾瑪舊作答爾密今改正

達爾瑪服屬撒瑪爾罕地。滿百里人不滿萬家無城

郭上下皆居板屋刑止箠撲明成祖永樂中遣使朝貢

賜文綺茶藥諸物

實喇哈雅舊作沙鹿海牙今改正

實喇哈雅西去撒瑪爾罕五百餘里城居小岡上西北

臨河南近山西有大沙洲地生臭草高尺許枝葉如蓋

煮其液成膏即阿魏也又有小草叢生秋深露凝食之

如蜜煮為糖番名達郎古賓明成祖永樂間李達陳誠

欽定續通典 卷一百四十九

三

使其地其酋即遣使奉貢宣宗宣德七年命中官李貴

齋勅諭其酋賜金織文綺綵幣

塔什罕舊作達失干今改正

塔什罕西去撒瑪爾罕七百餘里多園林饒果木土宜

五穀民居稠密明李達陳誠李貴先後奉使至焉

薩蘭舊作賽蘭今改正

薩蘭西去撒瑪爾罕千餘里在塔什罕之東有城郭四

面平曠居人繁庶五穀茂植亦饒果木元太祖時都元

帥薛塔爾海舊作薛塔刺海今改正從征薩蘭諸國以礮立功即

此地也明李達陳誠李貴之徒亦齋勿門之

克實

舊作渴石今改正

克實在撒瑪爾罕西南城周十餘里四面水田東南近山中有園林頗宏麗元特穆爾駙馬居也又西三百里大山屹立中有石峽出峽口有石門色似鐵路通東西番人號為鐵門關設兵守之元太祖駐此遇一角獸能人言以問耶律楚材對曰此瑞獸各角端能言四方語好生惡殺帝為班師蓋其地近東印度矣

特爾默

舊作迭里迷今改正

欽定續通典

卷一百四十九

古

特爾默在撒瑪爾罕西南去哈喇二千餘里有新舊二城相去十餘里其酋長居新城居民僅數百家畜牧蕃息明李達陳誠嘗使其地

布哈爾

舊作卜花兒今改正

布哈爾在撒瑪爾罕西七百里節序常溫宜五穀桑麻多繇綿布帛亦饒六畜明成祖永樂十三年陳誠自西域還所經哈喇等凡十七國悉詳其山川人物風俗為使西域記以獻宣宗宣德七年命李達撫諭西域布哈爾皆與焉

爾皆與焉

養夷

養夷在撒瑪爾罕薩蘭及伊里巴拉

舊作亦力把力今改正

蒙古

諸部落間數相侵掠無寧居以故人民亡散止戍卒百餘人居孤城明成祖永樂間陳誠至其地

沙喇斯

沙喇斯近撒瑪爾罕成祖永樂中遣使偕哈喇等八國人貢命李達等偕其使往勞之自後每偕他國來悉與厚賜至世宗嘉靖三年與旁近三十部俱至從使者所乞量與蟒衣膝襪磁器布帛

欽定續通典

卷一百四十九

五

納蘇察罕

舊作納失者罕今改正

納蘇察罕東去沙喇斯數日程皆舟行城東平原饒水草宜畜牧馬有數種小者高不過三尺俗重僧所至必供飲食然好氣健鬪明成祖永樂中嘗遣使朝貢

哈喇

哈喇一名黑魯在撒瑪爾罕西南去嘉峪關絕遠其國在西域最强大王所居城方十餘里壘石為屋平方若高臺虛敞數十間牕牖門扉繪以金碧地鋪氍毹不祭祖宗鬼神惟重拜天之禮俗尚侈靡土產白鹽金銀銅

鐵之屬多育鷺善爲統綺果木穀獸甚繁元駙馬特穆爾既君撒瑪爾罕又遣其子薩哈勒舊作沙哈魯今改正據哈喇明成祖永樂七年來朝貢因其使臣遣使詔諭之諸國使並至序哈喇于首自是貢使常至英宗正統三年仍貢馬及玉石其旁溫圖璉舊作淹都准今改正等國並蘇焉

溫圖璉

溫圖璉西南去哈喇千餘里東北去撒瑪爾罕亦如之土產膏腴民物繁庶自成祖永樂八年至十四年偕哈喇通貢

欽定續通典

卷一百四十九

去

拔達克山

舊作八答黑商今改正

拔達克山在溫圖璉東北城周十餘里地廣無險阻民俗富饒明成祖永樂六年命李達賜其酋敕書綵幣諭以往來通商之意十八年遣使來貢命陳誠等往報之英宗天順時復入貢

愛達罕

舊作俺的干今改正

愛達罕明成祖永樂十一年與哈喇並貢十四年魯安使哈喇諸國便道賜其酋長文綺然地小不能常貢

喀什噶爾

舊作哈實哈兒今改正

喀什噶爾明成祖永樂六年李達等齋敕招之卽奉命
十一年遣使入朝貢方物宣宗宣德時亦來貢自後貢
使不常至

伊期帕罕

舊作伊思弗罕今改正

伊斯帕罕地近愛達罕明成祖永樂中遣使貢獅豹西
馬宣宗宣德六年憲宗成化十九年並來貢

呼喇濟

舊作火刺扎今改正

呼喇濟四圍皆山鮮草木水流曲折亦無魚蝦城僅里
許悉土屋酋所居亦罕陋俗尙佛明成祖永樂十四年

欽定續通典

卷一百四十九

七

遣使朝貢命所經地皆禮待孝宗宏治五年其地回
布魯完

舊作帕魯灣今改正

等由海道貢玻璃瑪瑙諸物不納賜
道里費遣還

奇爾瑪勒

舊作乞力麻兒今改正

奇爾瑪勒西南傍海東北林莽深密多猛獸毒蟲交易
用鐵錢明成祖永樂中遣使貢獸皮鳥羽罽褐

白松虎兒

白松虎兒舊名速麻里兒相傳有白虎出松林中不傷

人亦不食他獸旬日後不復見國人異之曰此西方曰

虎所降精也因改國名其地無大山亦鮮林木無毒蟲
猛獸之害然物產甚薄明成祖永樂中來貢

敏珠爾舊作敏真
今改正

敏珠爾明成祖永樂中來貢其國地廣多高山日中爲
市諸貨駢集

日落

日落明成祖永樂中遣使來貢孝宗宏治元年復貢奏
求紵絲夏布磁器予之

默色爾舊作米昔
兒今改正

欽定續通典

卷一百四十九

七

默色爾亦名密思兒明成祖永樂中遣使朝貢英宗正
統六年復來其地極遠後不復至

都爾蘇舊作討來
思今改正

都爾蘇周不百里城近山俗佞佛土宜稼麥產牛羊馬
駝有布縷毛褐明宣宗宣德六年入貢勞賜之以地小

不能常貢

薩哈勒舊作沙哈
魯今改正

薩哈勒山川環抱饒畜產人性淳直恥鬪好佛明永樂
中遣七十七人來貢

羅密

舊作魯迷
今改正

羅密去中國絕遠明世宗嘉靖三年遣使入貢二十二年復偕天方諸國貢良馬及方物二十七年三十三年並入貢

坤城

坤城西域回回之種明宣宗宣德五年使臣來朝貢馬

駝後常貢

阿蘇

舊作阿速
今改正

阿蘇與天方相近幅員甚廣城倚山面川南流入海寒

欽定續通典

卷一百四十九

五

暄適中俗敬佛畏神好施惡鬪明成祖永樂中其酋遣使貢馬及方物宴賚如制以地遠不能常貢英宗天順七年命都指揮白全等使其國

天方

天方古筠冲地亦名天堂又曰默伽四時皆春土沃饒稍男子削髮以布纏頭婦人編髮盤頭相傳回回設教之祖曰瑪哈穆特舊作馬哈
麻今改正者首於此地行教死即葬焉墓頂常有光後人遵其教不衰有禮拜寺寺分四方其層次高下如塔狀每見月初生其王及臣民咸拜天

號呼稱揚以為禮明宣宗宣德七年國王遣臣沙嶽貢
方物世宗嘉靖間偕撒瑪爾罕土魯番諸國貢馬及方
物後五六年一貢迄神宗萬厯中不絕

默德訥

舊作默德
那今改正

默德訥回回祖國也地近天方有城池宮室田園市肆
俗重殺不食豕肉常以白布纏頭相傳其初國王瑪哈
默特舊作謨罕
德今改正生而神靈臣服西域諸國諸國尊為
巴延鄂拉舊作別諸
爾今改正猶華言天使也明宣宗宣德年
間其酋長遣使偕天方使臣來貢

欽定續通典

卷一百四十九

三

榜葛喇

榜葛喇為五印度之一唐時有五天竺又名五印度高
宗乾封二年五天竺並來朝元宗開元時中天竺遣使
三至南天竺一至獻五色能言鳥北天竺一至周太祖
廣順三年西天竺僧薩滿多等十六族來貢名馬宋太
祖乾德二年滄州僧道圓自西域還太祖召問所歷風
俗山川道里一一能記開寶後天竺僧持梵夾來獻者
不絕榜葛喇者即東印度也明成祖永樂中遣使朝貢
英宗正統三年又表貢其國地大物阜聚貨通商繁華

類中國四時氣候常如夏 沃一歲二稔俗淳龐有文
宇男女勤於耕織其王敬 天朝拜迎詔其貢物亦繁

沼納樸兒 迪里附

沼納樸兒在榜葛喇西或言卽中印度古所稱佛國也
明成祖永樂十年遣使者齎敕撫諭其國賜王額布勒
金絨錦金織文綺綵帛等物十八年又敕諭賜之綵幣
然其王以去中國絕遠朝貢不至又有迪里國近沼納
樸兒成祖永樂十年遣使招諭賜賚之

祖法兒

欽定續通典

卷一百四十九

三

祖法兒東南大海西北重山天特常若八九月五穀蔬
果諸畜咸備人體頡頏俗尙回回教多建禮拜寺土產
馬駝乳香沈香等物明成祖永樂中遣使朝貢宣宗宣
德中又至

木骨都束

木骨都束明成祖永樂十四年遣使與不喇哇麻林諸
國奉表朝貢命鄭和齎敕及幣往報之二十一年貢使
又至宣宗宣德五年和復以往頒詔諭其國濱海地曠磽
瘠少收歲常旱不產木 如忽魯謨斯疊石爲屋及用

魚腊以飼牛羊馬駝云

陳世不喇哇永樂十四年遣使來貢命瀛州府之凡三
不喇哇與木骨都束接壤明成祖永樂十四年至二十
一年凡四入貢並與木骨都束偕鄭和亦兩使其國傍
海而居地廣斥鹵不可耕專捕魚爲食少草木亦疊石
爲屋以居

入貢阿丹

欽定續通典

卷一百四十九

三

入貢阿丹

阿丹在古里之西明成祖永樂中遣使奉表貢方物凡
四至宣宗宣德五年命鄭和齎敕宣諭八年復入貢或
言唐永徽年間有丹丹國貢方物卽其地地膏腴饒粟
麥氣候常和人性強悍蔬果畜產咸備惟無草木其居
亦皆疊石爲之

刺撒

刺撒明成祖永樂十四年遣使來貢命鄭和報之凡三
貢皆與阿丹不喇哇諸國偕後不復至其國傍海氣候

常熟田瘠少收風俗悉與於步諸國同

麻林去中國極遠明成祖永樂十三年遣使與諸番貢

麒麟天馬神鹿等物帝御奉天門受之十四年又貢方

物

忽魯謨斯

忽魯謨斯西洋大國也在古里西北明成祖永樂十二

年遣陪臣奉金葉表貢馬及方物自是凡四貢鄭和亦

再使至其國宣宗宣德八年貢使至英宗正統元年附

欽定續通典

卷一百四十九

三

瓜哇舟還國嗣後遂絕其國居西海之極有霜無雪多

露少雨土瘠寡穀麥人多白晷豐偉屢肆百物具備惟

禁酒牛羊馬駝皆噉魚腊不產草木疊石爲屋有三四

層者

溜山

溜山明成祖永樂十四年其王遣使來貢自後三貢並

與忽魯謨斯諸國偕宣宗宣德五年鄭和稜其國後不

復至其國居海中倚山聚居氣候常熱土薄穀少婚喪

諸禮多類忽魯謨斯又有國曰比刺曰孫刺鄭和亦常

齋敕往以去中華絕遠貢使不至

南巫里明成祖永樂十四年遣使與急蘭丹加異勒諸國偕來貢物十四年再貢

加異勒明成祖永樂九年其酋長葛卜者麻遣使奉表貢方物賜宴及幣鈔鄭和再使其國後凡三入貢宣宗宣德八年又偕阿丹等十一國來貢

甘巴里

欽定續通典

卷二百四十九

語

甘巴里明成祖永樂十二年遣使來朝貢方物十九年再貢遣鄭和報之宣宗宣德八年其王吡哇刺扎遣使來貢英宗正統元年附瓜哇舟還國

急蘭丹

急蘭丹明成祖永樂九年其王遣使朝貢十二年命鄭和齋敕獎之

沙里灣泥

沙里灣泥明成祖永樂十四年遣使來獻方物命鄭和

齋幣賜之

千里達 失刺比

千里達失刺比明成祖永樂十六年並遣使來貢方物其使俱賜之冠帶綵幣其王有加賜

古里班卒

古里班卒明成祖永樂中常入貢其土瘠穀少物產亦薄

刺泥

刺泥明成祖永樂元年其國中回回哈只馬哈等來貢方物其外若夏刺比若奇刺泥若窟察泥若捨刺齊若

欽定續通典

卷一百四十九

五

彭加那若八可意若烏沙刺踢若坎巴若呵哇若打回成祖永樂中俱嘗遣使朝貢其風土物產無可稽

白葛達 黑葛達

白葛達明宣宗宣德元年遣使入貢其使臣言遭風破舟貢物盡失乞恩貸之賜之冠帶俾歸見國主庶幾免責許之使附鄰國貢舟還國宴賜悉如禮其國土地瘠薄崇釋教又有黑葛達亦以宣宗宣德時來貢國小民貧尚佛畏刑二國俱以鐵鑄錢

西洋古里

西洋古里地最大與僧迦密邇西洋諸番之會也去中國甚遠西瀕大海其入淳厚行者讓道路不拾遺喜事浮屠半崇回教富家多植椰子樹至數千其他蔬果畜產多類中國明成祖永樂時遣使朝貢賜印誥及文綺是時諸番使臣充斥於庭以古里大國特序其使者於首嗣是屢偕諸國入貢

西洋瑣里

瑣里附

西洋瑣里明太祖洪武二年命使臣劉叔勉以卽位詔諭其國三年平定沙漠復遣使臣頒詔其王別里提遣

欽定續通典

卷一百四十九

三

使奉金葉表獻方物賜文綺紗羅諸物甚厚永樂年間復遣使偕古里阿丹等十五國來貢土產胡椒附載與民市又有瑣里國近西洋瑣里而差小太祖洪武三年命使臣齋詔撫諭其國五年王卜納的遣使朝貢並獻其國土地山川圖

意大利亞

意大利亞國居大西洋中自古不通中國明神宗萬曆時其國人利瑪竇至京師爲萬國全圖言天下有五大洲其說荒渺莫考利瑪竇至中官馬堂以其方物進獻

帝嘉其遠來假館授餐給賜優厚利瑪竇遂留不去其人奉天主教蘇教自是充斥中土好異者咸尚之其所言風俗物產亦多夸大不足具述

西北

伊里巴拉

伊里巴拉在肅州西北三千餘里地極寒深山窮谷六月亦飛雪或曰卽古焉耆或曰卽古龜茲元名其地爲伯實巴里

舊作別失八里今改正

世祖設宣慰司尋改爲帥府其後以諸王鎮之明太祖洪武二十四年國王哈達拉和

欽定續通典

卷一百四十九

七

卓

舊作黑的兒火者今改正

遣使貢馬賜其王絲幣十表裏其使者

皆有賜成祖永樂四年貢璞玉十六年布色

舊作丕思今改正

弒其從兄王諾果沙扎該

舊作納黑失只罕今改正

自立爲王徙其

部落西去更號伊里巴拉宣宗宣德後屢入貢

準布

舊作阻卜今改正

準布不詳其始遼時歲來朝貢聖宗常置準布等部節度使天祚時常來貢

突厥

突厥唐末爲諸部所侵部族散微五代之際常來朝貢

遼時朝貢無常有事則助軍號屬國軍

回鶻

回鶻即杜典
回紇

匈奴之別裔本名回紇唐憲宗元和中詔
為回鶻五代時常來朝貢宋太祖建隆二年遣使臣來
朝獻後屢貢方物徽宗宣和中因入貢散而之陝西諸
州貿易留久不歸朝廷恐其為邊害詔禁止之遼太祖
天顯十二年九月回鶻遣使來貢十月遣使賀永寧節
太宗會同四年特賜旌旗弓劍衣馬七年回鶻遣使請
婚不許

欽定續通典

卷二百四十九

夷

黠戛斯

黠戛斯即杜典
結骨

古堅昆國亦曰居勿其君曰阿熱遂姓
阿熱氏駐牙青山唐肅宗乾元中為回紇所破其部衆
漸微至遼嘗遣使入貢

沙陀

沙陀有大磧名沙陀故以為號其衆趨悍善鬪唐時號
沙陀軍遼太祖時討降之

欽定續通典卷一百四十九

欽定續通典卷一百五十

邊防

邊防北序略

臣等謹按杜氏邊防典北方凡四十一部其見於

新舊唐書者惟契丹奚室韋鐵勒數部而已蓋塞

北之地多逐水草而居自古稱為行國故其疆域

之分併於考證較難大約漢之匈奴及烏桓鮮卑

至元魏為蠕蠕隋唐為突厥唐末為契丹而其餘

諸國則皆其所屬之小部落也宋史外國傳止載

欽定續通典

卷一百五十

一

東西南三方明史於北邊亦但有韃靼一傳蓋遼

之得國本先於宋迤北之地皆非宋有元則起自

沙漠撫定中原遼明有天下而元之後裔仍據有

漠北終明之世不相統屬今仍明史之名錄而載

之間亦採遼金時入貢諸部列著於篇

正北

韃靼

韃靼即蒙古故元後也明初元順帝殂于應昌其子阿

裕實哩達喇

舊作愛欲識理達臘今改正

自立徙於和寧傳其次子

特古斯特穆爾舊作脫古思帖木兒今改正駐捕魚兒海於太祖洪

武二十一年為明將藍玉所敗走至圖拉河為其下伊

蘇岱爾舊作也速迭兒今改正所統部落多潰其族烏納實哩舊作

兀納失里今改正收散亡居和寧之西復為明都督劉眞等所

破自特古斯特穆爾後五傳至袞特穆爾舊作坤帖木兒今改正

皆被殺遠族果勒齊舊作鬼力赤今改正篡位稱汗始去國號稱

韃靼其下以非順帝裔不附酋長阿嚕台等殺果勒齊

而迎元後巴延實哩舊作本雅失里今改正立以為汗成祖永樂

六年以書諭之不報命洪國公邱福統五將軍出塞繫

欽定續通典 卷一百五十 二

之師殲焉八年帝親征巴延實哩懼欲與阿嚕台俱西

阿嚕台不從君臣始各自為部巴延實哩西奔明師追

敗之於鄂嫩舊作幹難今改正河還師遇阿嚕台復破之十年

巴延實哩為衛喇特瑪哈穆特所殺時阿嚕台強盛數

與衛喇特相攻元裔益微其後阿嚕台為衛喇特所蹙

內附封為和寧王仁宗洪熙時阿嚕台數敗於衛喇特

乃率其屬東走烏梁海駐牧遼塞宣宗宣德中阿嚕台

為元裔托克托巴哈所襲孳畜畧盡未幾為衛喇特瑪

哈穆特之子托歡所殺而立托克托巴哈為汗以阿嚕

台之衆屬之托歡自爲丞相托歡之子額森嗣益桀驁
白雄托克托巴哈不能制後疑其主托克托巴哈與中
國通攻殺之額森自爲汗尋亦爲其下所殺部中共立
托克托巴哈之子號小王子是時韃靼諸部多互相雄
長其後元裔數傳至卜齊舊作卜赤今改正嗣爲小王子徙帳
東方爲察哈爾而諸部之在西北邊者甚衆若濟農翁
達舊作吉囊倫答今改正之屬其衆益強時爲邊患與明相終始

云
朵顏 泰寧 福餘

欽定續通典

卷一百五十

三

朵顏泰寧福餘卽杜典庫莫奚其地爲烏梁海唐時號厘莫奚

後服屬契丹元爲大寧北境明太祖洪武初相率內附

遂置大寧都司營州諸衛封皇子權爲寧王鎮焉數爲

韃靼所抄二十二年詔以烏梁海之地置三衛指揮使

司各領其衆以爲聲援自大寧前抵喜峯口近宣府曰

朵顏自錦義歷廣寧至遼河曰泰寧自黃泥窪踰瀋陽

鐵嶺接開原曰福餘惟朵顏地最險而強成祖從燕起

靖難兵患寧王躡其後因厚賂三衛以說之來師行寧

王餞諸郊三衛一呼盡起西擁寧王入關從戰有功臣

祖既立徙寧王南昌徙都司於保定而盡割大寧地界
三衛以償前勞英宗正統以後竄處迤北與衛喇特時
出擾邊朝廷命將擊破之其後叛服不常

鬼國

鬼國元世祖至元十七年三月詔討之命以蒙古軍及

哈喇章舊作哈刺章今改正軍西州約羅舊作藥刺今改正萬嘉努舊作萬家

奴今舊作阿里海牙今改正軍數道並進尋復招諭

之至九月其國主阿恰舊作呵察今改正降自後叛服不常

珠巴克舊作木不姑今改正

欽定續通典

卷一百五十

珠巴克遼太宗時來貢至聖宗之世諸部皆叛興宗時

復來貢又有迪里舊作敵烈今改正五國遼時皆來貢

烏爾古舊作烏古今改正

烏爾古為遼太祖所征服太字時常來貢穆宗時烏爾

古叛掠居民財物遣林牙蕭幹討之聖宗以後叛服不

一後服屬於金

契丹附近諸國

契丹在隋唐之世已載杜典其後
事跡備詳遼史茲取胡嶠所記錄

其附近諸國部落

契丹西北至烏庫哩舊作嫗厥律今改正廿人長大最勇鄰國不

敢侵又其西哈噶斯

舊作轄裏今改正

又其北單于突厥又北

黑車子又北牛蹄突厥其地尤寒又北狗國手搏猛獸

語類犬嗥契丹嘗選良馬二十匹遣十人齎糧北行窮

其所見其人自黑車子歷牛蹄國以北行一年經四十

三城居人多以木皮為屋其語言無譯者不知其國山

川部族各號其地氣遇平地則溫和山林則寒冽至三

十三城得一人能鐵甸語其言頗可解云地名頡利烏

于邪堰自此以北曠阻不能達其人乃還此北荒之極

也

欽定續通典

卷一百五十

五

鐵甸

鐵甸在契丹東其族野居皮帳而人剛勇地少草木水

鹹濁色澄久而後可飲

東北

渤海

渤海本號靺鞨其貴族姓大氏唐武后時高麗別種大

祚榮有衆四十萬人據挹婁臣于唐至中宗時置呼爾

罕

舊作忽汗今改正州以祚榮為都督封渤海郡王其後世遂

號渤海梁太祖開平元年國王大諲譔遣使者來訖周

世宗顯德常求朝貢宋太宗太平興國四年其酋帥大
鸞河率小校李勛等十六人部族二百騎來降六年賜
渤海王詔助兵攻契丹遼太祖建國攻渤海拔呼爾罕
城俘其王大誣譏以為東丹王國立太子托雲舊作突欲今改
正為人皇王以主之神冊四年葺遼陽故城以渤海漢
戶建東平郡為防禦州天顯三年遷東丹國民居之

和碩館舊作曷蘇今改正

和碩館遼聖宗開泰元年其王哈爾吉舊作曷里喜今改正來朝

八年其特哩袞額布根舊作惕隱阿不葛今改正宰相薩喇舊作賽刺今改

欽定續通典 卷一百五十 六

正來貢後屢遣使入貢太平五年乞建旗鼓許之天祚

時東面行軍副統瑪格舊作馬哥今改正等攻之敗績和碩館

始與遼絕後服屬於金

富珠哩舊作蒲奴里今改正

富珠哩遼聖宗統和二十二年偕烏舍舊作兀惹今改正等部

來貢開泰七年三月命歲貢貂皮興宗重熙十七年帝

命耶律義先等伐富珠哩酋托多羅舊作陶得里今改正十八年

二月托多羅以獻始與遼絕

烏舍遼聖宗統和十三年七月以兵侵鐵驪遣奚王和

碩鶻

舊作和朔
奴今改正

等討之十月烏舍歸欵詔諭之十四年

烏舍烏哲圖

舊作烏昭
度今改正

以地遠乞歲時免進鷹馬貂皮

詔生辰正旦貢如舊天祚時不復至金太祖時烏舍楚

古爾蘇

舊作雛鶻
室今改正

來降

鐵驪

鐵驪其人雜處山林無君長遼太祖天顯元年鐵驪來

貢聖宗開泰元年鐵驪納蘇

舊作那沙
今改正

等送烏舍百餘

戶至賓州賜絲絹乞賜佛像儒書詔賜護國仁王佛像

欽定續通典

卷一百五十

七

一易詩書春秋禮記各一部興宗重熙十六年鐵驪錫

勒們

舊作仙門
今改正

來朝以始入貢加右監門衛大將軍自

是無歲不貢天祚時鐵驪貢遂絕金太祖時鐵驪王和

哩布

舊作回离
保今改正

以所部降

博囉滿達

舊作蒲盧毛
朶今改正

博囉滿達在遼時與鐵驪烏舍富珠哩和碩館等皆為

屬國軍聖宗太平五年以博囉滿達部多烏舍戶詔索

之七年遣使來貢後入貢不絕興宗重熙十年詔其部

歸和碩館戶之没入者使復業

定安

定安本馬韓之種爲契丹所破其酋帥糾合餘衆保於西鄙自稱定安國宋太祖開寶三年遣使朝貢太平興國中太宗方經營遠畧詔其國令張旂角之勢其國亦欲倚王師以抒宿忿表末云必欲報敵不敢違命乃答以詔書令發兵同伐契丹端拱中獻方物淳化中上表後不復聞

室韋

室韋契丹別種散處川谷逐水草其言語則鞞鞞也其

欽定續通典

卷一百五十

八

部族不一唐時皆入貢遼太祖時黑車子室韋以八部降尋復叛討破之太宗時常進白鹿又貢各馬穆宗時黃室韋與大黃室韋小黃室韋俱叛聖宗以後復降順



